



四川大學古籍整理研究所編

儒藏

史部
第一二三冊

四川大學出版社



四川大學古籍整理研究所 編

儒藏·史部

儒林史傳

第十三冊

四川大學出版社 二〇〇八年

國家「211工程」重點學科建設項目

國家「985工程」創新基地規劃項目

中國孔子基金會重大項目



儒藏

目錄

目錄

歷代儒學存真錄續	清·田攸編撰		一
諸儒學案	明·劉元卿編撰		五五

歷代儒學存真錄卷十

蘇門郭程先雪齋先生定

浚儀田欣乙亭輯

皇清

孫奇逢字啟泰、號鍾元、直隸容城人。少倜儻、好奇節。年十四入邑庠、謁楊忠愍公子尙寶楊公、問之曰、設在圍城中、內無芻糧、外無救援、當如何。先生應曰、効死勿去。尙寶曰、足卜子生平矣。年十七、舉明萬曆二十八年順天鄉試。與定興鹿忠節公善、繼爲友、以聖賢相砥礪。隨時隨處體認天理、以倫常



儒藏

歷代儒學存真錄 卷一〇

爲本、以慎獨爲宗、見義必爲、無所避就。甫踰弱冠、連丁內外艱、喪葬一準古禮、率兄弟廬墓凡六年。學使李蕃以孝行聞於朝、詔旌其門。嗣屢試不第、遂絕意仕進。臺垣及巡撫交薦、屢徵不起。樞輔欲疏請以職官起贊軍事、使茅元儀先之、先生亦不應也。其後畿內盜賊數駭、容城危困、乃携家人避兵於河南新安、復遷輝縣、講學蘇門山。心慕百泉之勝、遂家焉。國朝定鼎、屢徵不起、世因號徵君。先生講學不立門戶、能通朱陸兩家之畛域。又樂易進人、不繩人以難行之事。故見者服其誠信、



聆其議論、無不信聖賢之可爲。上自公卿大夫、以
及田氓野老、有就質者、先生披衷相告、弗吝也。其
門人最著者、唯州湯文正、登封耿逸菴。先生卒於
夏峰、年九十有二。天下知與不知、皆稱曰夏峰先
生。所著有四書近指、讀易大旨、尚書近指、理學宗
傳、家禮酌、歲寒居答問、孝友堂家規、畿輔人物考、
中州人物考、取節錄諸書行於世。河南北學者、歲
時奉祀百泉書院、而容城與劉文靖因、楊忠愍繼
盛同祠。保定與孫文正承宗、鹿忠節善繼並祀學
宮。道光八年奉旨、以孫奇逢學術中正醇篤、

力行孝弟、其講學著書、以慎獨存誠、闡明道德、實足扶持名教、不愧先儒、著從祀孔廟西廡、以崇儒術而闡幽光。見先生文集並洛學編、政學錄。

湯斌字孔伯、號荆岷、晚號潛菴、河南睢州人。八九歲時、聽里中耆儒王慕祥講小學、退卽習儀節、徵實行、慕祥異之。年十六、就傅郭外。值明末流寇陷州城、母趙氏殉節死。先生隨父避亂三衢山中、每夜讀書有所觸、輒痛哭悲號。哭已復讀、山中人咸哀之。順治元年甲申亂定、奉父還睢。先生天性純孝、刻苦向學。順治五年舉於鄉、六年會試中式、九年

成進士、選庶吉士。十一年、授國史院檢討。時方議修明史、先生疏言宋史修於元至正、而不諱文天祥、謝枋得之忠。元史修於明洪武、而亦並列丁好禮、普顏不花之義。前明抗節死事諸臣、似未可概以叛書。詔嘉諭之。十二年、出爲潼關道副使。時方削平滇蜀、關中軍旅孔道、徵發旁午。先生辦給如法、民以不擾。於是設保甲、行鄉約、建義倉、立社學、不三年、流民復業者無算。尋調江西參政、分守嶺北。贛州巨寇李廷玉爲患有年、先生密布方略、擒獲斬之、而餘黨悉定。後以父老乞假歸、色養之。

餘卽沉酣性命之學。旋丁父憂服闋、渡河至夏峰、受業於孫徵君、學日益進。歸、居家二十年、踐履篤實、涵養純粹、裒然推一代巨儒。康熙十七年、詔舉博學宏詞。魏總憲、金副憲交章共薦。御試

甲等、授翰林侍講、轉侍讀。出典浙試、稱得士。還充明史總裁、旣直經筵。每入講、必沉思積誠、以冀感動。嘗於書義之外、推明時政、都無忌諱。同列爲之震恐、先生自若也。二十三年、擢內閣學士、兼禮部侍郎。遂以右副都御史巡撫江蘇。抵任、正己率屬、問民疾苦、禁侈靡、興教化、凡諸便民者、皆奏請行。



之。吳俗故奢敝，尤尙禩鬼。榜伽山有五通祠，民間歲進子女禱賽。先生投其像太湖中，淫祀遂絕。洎吳三年，風俗丕變。召爲禮部尙書，兼詹事府事，輔導太子。上眷注甚隆，每議大事，必問湯某云何。先生正論諤諤，不顧利害，而忌之者眾，旋調工部尙書，卒於官，年六十一。予祭葬如例，祀賢良祠。先生剛毅介直，篤志聖學，潛修默證，內體諸心，外見諸事，平易確實。其於性命之淵微，造化之精奧，無所不探，而一以誠正爲本。於古今之治忽，事機之得失，無所不綜，而一以忠孝爲先。明於審

理而不顧利害、循分自盡而不希名譽、因事善處而不拘成見、見義勇爲而不計後功。雖遇盤錯處、患難、而當機立斷、神閒氣定、如在事外、所謂得時措之宜者也。所著有洛學編、睢州志、明史稿、文集行於世。乾隆元年、追諡文正。道光三年、增祀孔廟。
見先生文集並洛學編、政學錄。

陸隴其字稼書、浙江平湖人。少而強記、年十一、塾師授以左傳、悉成誦、無遺。少長、爲文章、一本經訓。二十七、補生員、博觀宋元明諸先儒書、參互反覆、疏證孔孟之旨、而一以朱子爲宗。恥空言、敦實行、切

己悔過、惟日不足。康熙五年舉鄉薦、九年、中禮部試。廷對極論時務、剴切達治本。十四年、出爲嘉定縣令。抵任、鋤豪強、抑胥吏、禁侈靡、變風俗。數月內、輿誦翕然。巡撫慕公不悅於先生、疏劾先生無肆應才、部議降二級用。民罷市、日號巡撫門。慕不自安、疏請開復。尋復以諱盜免官。或謂先生盍辨諸、先生曰、縣有盜、長吏不知、黜宜也、何辨爲。適值上諭廷臣舉廉吏、魏敏果公象樞疏薦十人、先生與焉。疏上、遂復職。十七年、詔舉博學鴻儒、工部主事吳源起舉先生、有理學深醇、久入程

朱之室、文章閎博、復登韓柳之堂等語。先生至京、未及試、丁父憂歸、喪葬一準朱子家禮、取儀禮喪記服制諸篇爲讀禮志疑。讀朱子文集、錄其切要者爲讀朱隨筆。嘗嘗二語自警曰、老大始知氣質駸、尋思只是讀書處。其切於內省如此。二十二年、部導直隸鹽運使。此邑旱澇頻仍、民情强悍、先生爲之興利除弊、並作

欽頒六諭集解、講行鄉

約。巡撫格公薦先生疏云、清操素著、愷悌爲心。履任方始、而聲教已洽、輿情等語。時湯文正公出撫江蘇、先生具述蘇松情形、並告抑浮靡、崇實學諸



事。又言、居官當置得失於度外、然後爲國爲民、可行己志。湯公以爲然。直撫格文清、于襄勤交薦先生留心性學、清廉愛民、尋內陞四川道御史。先生抗直敢言、數陳時政。忌之者劾以拘執、都察院總憲又注以不稱職、對品外調、遂移疾歸、仍以講學著書爲務。康熙三十一年卒於家、年六十三。先生德器粹然、文必載道、所著書皆發明經學、講求治理、有裨實用、而不爲詞章之學。其教人以居敬窮理爲主、謂窮理而不居敬、則玩物喪志而失於支離。居敬而不窮理、則將掃見聞、空善惡、其不墮於

佛老以至師心自用者鮮矣。所著有學術辨、松陽講義、四書大全、困勉錄、四書講義續編、禮經會元、戰國策去毒、呻吟語質疑、靈壽縣志等書。雍正二年，命禮臣議增祀孔廟。乾隆元年，追諡清獻，贈內閣學士、兼禮部侍郎。見政學錄

李容字中孚，陝西盩厔人，學者稱爲二曲先生。蓋以山曲曰盩，水曲曰厔也。父可從字信吾，母氏彭。信吾公以壯武從軍，爲百夫長。明崇禎十五年，賊勢益張，官軍累敗，信吾公臨發，抉一齒與彭曰：戰如不捷，吾當委骨沙場，子其善教兒矣。遂戰而死。彭



聞報卽以遺齒葬。曰：肯塚並願以身殉。先生哭曰：母殉父固宜，然兒亦必殉母，如是則父絕矣。彭制淚撫之。時先生年十六，饑寒坎壈，或一日不再食，或連日不舉火，恬如也。先生惟以讀書勵行，明體適用爲首務。自人倫日用，語默動靜，無不軌於聖賢中正之途。其言曰：真知乃有實行，實行乃爲真知。有真本體，乃有真工夫。有真工夫，乃爲真本體。體用一原，天人無二，此其道在悔過自新，而以靜坐爲入門之要。有未發之中，然後有中節之和。日新又新，吾之本原已復，復則聖矣。或問姚江之學，